

環翠平堂精訂陳

高士里藏板



大聲耳可雪齋稿

坐隱先生精訂可雪齋稿目錄

套數

北商調集賢賓

暖溶溶鳳城春似海

元夜

北南呂一枝花

潭潭宰相居

壽徐魏公

北黃鍾醉花陰

簾捲春寒杏花雨

春情

南南呂梧桐樹

香醪為解愁

春愁

北中呂粉蝶兒

笑眼睜開

閨情集花名

南商調集賢賓

今年牡丹花較遲

集藥名題情

北黃鍾醉花陰

簾捲東風畫堂曉

富文堂初夏讌集

南南呂梁州序

西園暮景

初夏題情

北南呂一枝花

勸金杯竹葉春

集曲名壽史痴

北仙呂村里迓鼓

淮水上彩舟無數

秦淮午日泛舟

北越調鬪鶴鶉

帝業南都

賞金陵八景

南仙呂一封書犯

驚一葉墜井

秋景

北南呂一枝花

詩成奪錦袍

南寧總戎第夜宴

北商調集賢賓

敞南樓夜深簾半捲

賞中秋

北中呂粉蝶兒

萬斛秋香

賞桂花

北雙調新水令

鴛鴦夢斷藕花鄉

秋怨

南南呂梧桐樹

深深繡幕遮

冬景

漫漫瑞雪鋪

冬景題情

南雙調黑麻序

點檢梅花

冬暮題情

北黃鍾醉花陰

今歲江梅試花早

冬怨

南商調鶯啼序

孤幃一點殘燈

題情

南南呂一封書犯

朔風勁透幕

題冬景

小令

北水仙子帶過折桂令

九日

北脫布衫帶過小梁州

暮春志感

北醉太平

閑情 二首

北水仙子

上元漫興

北蟾宮

閨怨 四首

南黃鶯兒

寄情

南金落索

閨怨 四首

北醋葫蘆

青樓十詠

北小桃紅

閑情 七首

南駐馬聽

寄妓

南風入松

怨別 十三首

南駐雲飛

風情 四首

北滿庭芳

香閨八詠

北一半兒

風情 四首

北水仙子

中秋 四首

閨情別意 四首

可雪齋稿目錄 畢

坐隱先生精訂可雪齋稿

套數

元夜



新都環翠堂藏板

北商調集賢賓

暖溶溶鳳城春似海。花湖洞錦樓

臺明皎皎千門萬戶。鬧烘烘六市三街。有星橋鐵鎖

高橫。正金蓮火樹齊開。幾千枝蠟光燒月色。那里有

半點雲霾。真個是笙歌平地起。香靄半空來。

逍遙樂。風光堪愛。端的是一刻春宵。千金怎買。何

幸吾儕。際昇平民物和諧。逐隊隨行。儘放懷。似誤入

青丁可雪齋稿

環翠堂

桃源境界。你看那丹青屏障。斜帶着錦繡排紗。高懸着風月招牌。

金菊香

粧點出十洲三島小蓬萊。分明是擊鼓鳴鑼

大會垓。花燈兒四圍交闔彩。月漾燈飾。周八極貫三台。

醋葫蘆

太極燈陰混陽。日月燈盈對曼。雪花燈滾

滾復皚皚。有金鰲振鱗人見駭。上面把蓬山穩載。看緋桃紅杏倚雲栽。

前腔

翠巍巍地湧山綠。沉沉山映海。我則見金銀

宮闕半天開。一箇浮屠燈九宵。搏瑞靄掩映着幢旛

寶蓋

一個火珠當頂。蜃辭胎。

前腔

畫屏燈四面遮。繡毬燈一字擺。你看那紫鸞

丹鳳舞毳毼。人叢里喊聲翻動海。流水似飈輪火塊。則見錦重重社火鬧中來。

前腔

才過了竹林游晉七賢。又有那瓊林宴唐十宰。

早擁上孔門七十二賢才。更有那縱橫四豪諸劍客。無數的峩冠博帶。又一簇仙風道辦甚奇哉。

前腔

一個漢鍾離髻兩鬢。一個呂洞賓巾半側。藍采

和搵搵擺擺放狂乖。一個李屠拄着個枯木拐。張果老驢兒行快。一個韓湘子手內牡丹開。

前腔一個何仙姑竹罩籬因甚擎。一個曹國舅雲陽板不住拍。見幾個風流人物伴着醜形骸。偌來高木橈雲外跚。賣弄他神通廣大。看那無根花頃刻發枯菱。

前腔一個潘安仁奉版輿。一個老萊子呈戲彩。一個孟宗哭竹痛哀哀。一個蔡順自將桑椹採。一個王祥守奈。一個抱鋤郭巨把兒埋。

前腔一個惡那叱鳳翅盔。一個李天王龜背鎧。挂捧着金身丈六老如來。一個紅顏綠髮小善才。遙望着觀音禮拜。洒楊枝甘露淨塵埃。

前腔一個安祿山忒索肥。一個東方朔直這般矮。一個沈休文肌骨瘦如柴。他每衣裝相貌不住的改。說不盡千奇百怪。又一個貨郎兒擔子巧鋪排。

前腔那老兒破袖衫背脊彎。皂頭巾鬚髮白。挑着個軟沉沉擔子壓肩歪。叫道是喫的用的隨意買。者麼你頓回零賣。引的些女郎每提挈幾個小嬰孩。

後庭花你看他麝蘭風不動埃。可知道綺羅叢里偏戀客。這壁廂轆轤香車過。那壁廂丁璫玉響飾觀仔。細覷明白。他每都矜誇賭賽。紫貂裘稱體裁。凌波襪

剛半窄。鮫綃帕暗地裡揣。錦香囊私地裡解。紫雲娘

偏愛才。杜樊川忒殞色。

青歌兒呀。還償了些花錢。花錢酒債。成合了些雨情。雨情雲態。直走到河漢西傾。斗柄歪。則見那女貌郎才。杏臉桃腮。濟濟挨挨。鬧鬧垓垓。引幼扶衰。撒褪粧呆。有那等大院深宅。玳瑁筵開。月砌雲堦。絳燭銀臺。翠袖弓鞋。寶髻金釵。燕列鶯排。綺剪霞裁。玉笋高臺。玉液頻醺。隱括商猜。戲譁談諧。見如今元首明哉。股肱良哉。庶事康哉。儘今生今夕。樂無涯望。

北極遙瞻拜。

浪裡來煞。

梯航拱上京。禮樂興三代。春風壽域入。

方開祝。皇圖永安千萬載。人幸與燈光長在。約明年花市又重來。

壽徐魏公

北南呂一枝花

潭潭宰相居。凜凜元戎第。觚稜平。

聳踞輪奐。競暈飛閎。閱根基。贈袞冕榮先世。錫貂蟬。蔭後裔。啓雕窗。賓迎着鍾阜。朝雲俯朱檻。映帶着秦淮流水。

梁州第七

環布下七重錦帳。新築成十里沙堤。

寵恩優遠。作留臺寄江淮保障。京國藩籬。令嚴武士。德撫黔黎。有勤王伊傳功勳。有致君堯舜忠直華。

堂中氣昂昂。森列着八座瓊簪。轅門外光皎皎。密排着千枝畫戟。柳營前影飄飄。高建着五丈牙旗。早梅放蕊。正雪花六出。呈祥瑞。慶蟠桃海山會。一片仙幢。颺彩霓。謫降瑤池。

煞尾 龜鶴願祝三千歲。一度登階。一獻杯。今歲今年。是春日。值三公誕期。應三陽節氣。大象乾元利貞吉。

春情

北黃鐘醉花陰

簾捲春寒杏花雨。閑倚遍闌干數

曲。羞傳粉倦塗朱。自入春來。好事無情緒。清減盡瘦身軀。半步房櫳怕待出。

喜遷鶯

自五陵人去。那曾的眼展眉舒。躊躇問花

不語。獨對花枝幾歎吁。好芳菲誰是主。說離思鶯喉燕舌。惱離情柳眼花鬚。

出隊子

掩重門。疑佇是誰家嬌幼女。你看他飄飄

錦帶映羅襦。鞦韆香輪走鈿車。鏃鏃金翹攢翠羽。

前腔 恣評紅棟綠。翠紅鄉邀伴侶。他每都闖尋芳草步爭趨。戲挽柔條手笑舒。驀轉秋波情暗許。

刮地風 他每逐隊隨行陪笑語。不道人影隻形孤。去年時送別長亭路。到如今記得來糊突。錦重重綺窗

朱戶濕溟溟。柳烟花霧。怕春來愁春去。轉頭春暮。想薄情忒狠毒。兩綢繆。一霎生疎。漢相如却把文君負。呀。敢白頭吟親自續。

四門子

錦回文織到傷心處。話無多恨有餘。搭一首兒詩。附一紙兒書。覓不着錦江雙鯉魚。將好字兒添。及字兒除。倩一箇行人寄與。

古水仙子

他他他頗士夫。是是是又不道生來氣。味粗儘儘儘。小心兒切月批風。敢敢敢軟性兒憐香。惜玉呀呀呀。一時間及做出我我我。等他來取箇招。伏將將將負心的罪名當面數。剛剛對人前扯碎。姻緣簿。才才才摔破了悶葫蘆。

尾聲

杜宇無端爲誰訴。只叫到淚血乾枯。由兀自訴不平。心上苦。

春怨

南南呂梧桐樹

香醪爲解愁。酒醒愁依舊。斜月殘燈。正是愁時候。愁憑酒破除。酒被愁迤逗。酒力無多。愁去愁還又。愁深酒薄難禁受。

東甌令

花凝恨。柳含羞。花柳傷春人病酒。鶯啼燕語。清明後。全不管人消瘦。剝雲殘雨。兩悠悠。遮斷晚粧樓。

大聖樂

桃源洞花事都休。許劉郎重到否。啼痕湮

透青衫袖。傷白傅惱江州。這些時瑤琴罷却求凰奏。

可正是紅葉誰人寄御溝。陽臺夢杳。苦追蹤問跡似

無還有。

解三醒。忘不了共攜纖手。忘不了西園秉燭遊。忘不

了同心帶結鴛鴦扣。忘不了羅襪雙鈎。忘不了香囊

雜綵新挑繡。忘不了百寶珍珠絡臂鞦。閒窮究。把嬌

歡美愛。盡付東流。

餘音 好姻緣還成就。繡幃錦帳。做綢繆。月底新詩

再和酬。

閨情集花名

北中呂粉蝶兒 笑眼睜開。一團兒海棠嬌態。結春

愁。荳蔻含胎。瘦伶仃。寬掩過。合歡羅帶。鎖梨花暮雨

亭臺。杜鵑聲碧紗窗外。

南泣顏回 金鳳舊時釵。錦帶匆匆雙折。辛夷夢想

宜男。甚日歸來。芙蓉貌改。對菱花無意。描眉黛。怯山

丹。不奈輕寒。碧桃香人遠天台。

北石榴花 剪紅羅做就鳳頭鞋。金蓮小款。款步蒼

苔。木蘭干斜倚。費裁剗。正凌霄月色。石竹風篩。瑞香

烟縹緲。搏雲蓋。金錢兒仔細鋪排。卦爻兒。蒼筤深深

拜。丁香舌私語記明白。

南普天樂。紫薇郎薄情煞。木槿要將聲名壞。把金銀花費傾囊。麗春園落下招牌。結香半載。薔薇謝却。齒齒將開。

北鬪鶴鶉。一些兒茉莉牽纏。又不是雞冠間隔。止不過水疊山礬。似阻着佛桑大海。展轉思量月季懷。他水仙般。說秀才小見識。碎米心腸。巨勝似偷香計策。

南朱奴兒。十姊妹將咱見責。玉簪珥無心懸戴。郁李冰絃調轉哀。滴珍珠淚濕香腮。慊慊害芍藥怎解。

晝夜合窠耐。

北十二月。他則待茶蘼酒色。那裏有石榴恩愛。辜負了長春宴飲。消磨了玉藥形骸。他龍爪般心毒意歹。將繡毬兒棄撇在塵埃。

南撲燈蛾。牡丹花中國色。木犀天香氣格。托模兒似粉團。渾身兒有素馨。縱江梅果然難賽。無定影似楊花風擺。我做錦被將他遮蓋。半含笑佯推不採。一會價猛然躑躅上心來。

北尾聲。後庭花燭還相待。金盞高擎酒謾醒。鶯粟當年玉鏡臺。

集藥名題情

南商調集賢賓 今年牡丹花較遲。又開殘芍藥茶
藤石燕雙雙尋舊壘。正蜂房採盡芳菲。沉吟蕙苾。惜
輕粉濃華憔悴。和懶髓。描不成柳葉霜梅。

前腔 檳榔遠方音信稀。問不着浪蕩踪跡。遠水常
山千萬里。寄平安白芷空回。全無枳實。恐將我紅娘
拋棄。似無根水。木通達好難尋覓。

黃鶯兒 香冷鬱金衣。變烏頭減玉肌。斟量五味難
調治。人言這疾。沒藥可醫。隄防貝母多疑忌。向白芨。
天南星底。麥蘖告神祇。

前腔 梔子去何之。望夫身恐滑石。羅衫漫滴梧桐
淚。杏仁那里。獨活怎的。蓮心苦在咱心內。似膠漆。雌
黃口嘴。葦撥燕鶯期。

琥珀貓兒墜 禹餘糧後梅子上青皮。雲母紗幮初
睡起。一春半夏守孤幃。時催。又早菊花天敗葉紛飛。
前腔 雪迷山藥。百合掩朱扉。欸把珍珠簾幕垂。馬
兜鈴響聽驕嘶。猜疑。敢是茴香。那人當歸。
尾聲 蓂蓉展放鴛鴦被。金鴨重將腦麝煨。錦帳雙
斟竹葉杯。

富文堂初夏讌集同徐子仁聯句

北黃鐘醉花陰 簾捲東風畫堂曉。恰春色三分過
了。鶯辭谷。燕成巢。花事闌珊。萬綠枝頭開。牡丹困尚
呈嬌。芍藥翻堦試紅早。

南畫眉序 堪賞景偏饒。彷彿十洲共三島。喜繁華
地勝。闕闕門高。小橋橫綠水斜通。平堤接垂楊輕罩。
市囂長日。何曾到。塵煩向此全消。

北喜遷鶯 想蘭亭行樂。半都是酒聖詩豪。招邀山
陰故老。今日個江左衣冠。屬我曹。慣追遊。能述作。盡
壓倒。參軍放浪。平欺着內史風騷。

南畫眉序 唐節度漢嫖姚。筆陣詞鋒。座間掃。更氣
同儒素。禮邁時髦。蕩汪陂萬頃波瀾。挽快閣千年風
調。市囂長日。何曾到。塵煩向此全消。

北出隊子 啓華筵歡笑。竟何須珠翠繞。有琅函玉
匣。闕葳宰。錦軸牙籤。次第標。虎略龍韜。收貯博。

南神仗兒 情懷傾倒。情懷傾倒。風月無邊。乾坤窄
小。折取花簪烏帽。你看那一觴一詠。淺斟深酌。且休
道樂今宵。還拚着醉明朝。

北刮地風 不肯放西園人散却。又何妨酪酲醲醑。
絳紗籠十二教前導。一齊的畫燭高燒。那裡管海棠
零落。也不問杜鵑驚覺。玉漏沉更籌換。美人休報。暖

翻寒增錦袍。醉而醒。侑着香醪。似陳遵投轄開懷抱。不虛誇。豈浪嘲。

南闌焚樓。聒耳笙歌正喧炒。越盤桓情越好。射覆藏闈任呼號。不管人間夜迢迢。自黃昏直到卯。

北四門子。賦新詩更請東君校。怕倉皇音律錯。將熟字兒更生。生字兒敲。喚青衣一時敷演着。腔韻又諧。板拍又調。旋譜入陽春舊稿。

南耍鮑老。宴集雖多。會文最少。既相逢休草草。簿書暫避公家擾。舊期新約。主歡娛客落魄。

北古水仙子。我我我愧草芥。喜喜喜玉樹金蘭許定交。他他他有萬種謙恭。羨羨羨沒半星兒驕傲。感感感更投之以木桃。呀呀呀竭枯腸怎報瓊瑤。敢敢敢郭汾陽再生。明聖朝來來來將臺高。只許騷人造。准准准低首拜旌旄。

南尾聲。紫泥飛下微賢詔。遙望入三台九霄。丹鳳騫騰五雲表。

初夏題情

南南呂梁州序。西園暮景。南軒初夏。長日端居多暇。陌頭楊柳。陰陰漸可藏鴉。無奈關情杜宇。惹恨鷓鷯。占定茶蘼架。又早芭蕉分綠也。上窗紗。閑看兒童

精言可雪齋稿
捉柳花。合珠箔捲。金鈎掛。怪無端。一夜東風大。花亂落。絮交加。

前腔 瑤臺寂靜。畫闌幽雅。一樹薔薇低亞。鴛鴦兩兩飛來。暖傷晴沙。爲甚金針閑却。綵線丟開。刺繡都停罷。忽見營巢新燕子。語窗紗。蝴蝶雙雙入菜花。前合

前腔 枕痕橫臉玉生霞。簾烟微麝香消。鴨對銀箏無緒。鴈行空駕。幾度閑尋舊譜。試學新聲。欲演還拋下。絲絲梅子雨潤窗紗。無奈少女風前爛熳花。前合

前腔 對香奩朱粉慵搽。臨寶鏡青螺羞畫。病懨懨多半。爲他瀟灑。堪笑鸚哥解語。鸚鵡能言。把薄倖提名罵。最憐開遲芍藥滿映窗紗。落盡春風始見花。前合

節節高 蓮舟戲女娃。露裙軟。蘭橈水濺。凌波襪。貪頑耍。兩髻丫。雙鬟亞。青青荷葉無多大。折來莫把絲牽掛。合翠羽飛來綠葉叢。玉盤側。瓊珠下。

前腔 乘陰傷水涯。強歡狎。玉纖漫解鮫綃帕。音書假。辜負咱。多嬌姹。歸期暗數垂楊下。而今不信傳來話。前合

餘音 芳時一任東風嫁。對良辰歡情未洽。難道經秋不到家。

集曲名壽史痴

北南呂一枝花 勸金杯竹葉春。沽美酒瓊花露。集賢賓開壽域。迎仙客下蓬壺。列宴清都。夏初臨逢初度。應天長當月午。石榴花繞檻爭開。翠裙腰登筵謾舞。

梁州第七 湘子花有紅芍藥。太乙丹貯勝葫蘆。長生道引延生籙。逍遙樂古稀筭考。永團圓具慶歡娛。賀聖朝太平黎庶。感皇恩豐稔時俗。掛玉鈞簾幕高軸。瑞雲濃香篆輕浮。立蒼梧白鶴子澤澤鮮鮮。戲錦葵粉蝶兒攢攢簇簇。占垂楊黃鶯兒喚喚呼呼六么。拍促醉高歌一夥閒人物。駐雲飛振林木。香柳娘櫻唇唱鷓鴣。入寶粧梳。

煞尾 穿窗月色西樓暮。風入松篁暑氣無。燭影搖紅碧紗護。天仙子贈圖。聖藥王賜福。管情取八百莊椿歲年足。

秦淮午日泛舟

北仙呂村里迓鼓 淮水上彩舟無數。正值着太平時序。都一般蘭橈畫槳。往來向中流競渡。你看那王孫豪客華筵錦席。誇奢騁富。也有那皓齒歌金杯勸象板促。敢則是間一派瓊簫畫鼓。

元和令 那黃龍按中央戊巳土。那青龍應東方甲乙

木赤龍元是丙丁屬。庚辛金龍色素。更有那北方壬癸斥牙烏。貫魚行分部伍。

上馬嬌 他任轉旋相抵觸。也是他操演太滑熟。五方龍雜彩旗分布。有競利的徒。他每都賽願與祈福。**勝葫蘆** 更有那座上騷人宮錦服。馳放浪少拘束。白鷺洲邊重吊古。桃根桃葉。清歌妙舞。樂事想當初。

前腔 則見隱隱殘霞水面鋪。雙雙的燕子戲平蕪。覽勝追歡情未足。臨流洗盞。傍花展席。將他那交友謾招呼。

後庭花 看他們寶釵頭挑絳符。朱門上懸艾虎。翠荷小盤初展。海榴紅巾半蹙。綠槐影傍庭除。向晚來蘭湯新浴。輕綃薄映膚。喜瑤觴滿泛蒲。北窗詩當再續。南薰絃仍一鼓。

雙燕兒 只喫的披著襟散着髮。酒重沾。玉山頽玉手扶欵把紅兒。悄分付翠雲屏。暑氣無。碧紗厨涼意足。**青歌兒** 扇弄着生綃。生綃團素簾。展着碧波碧波寒玉。新月娟娟透綺疎。笑倚青奴。醉枕珊瑚。香炷金爐。人臥冰壺。待驚鳥翻樹。酒醒初。踏影向長廊步。**賺煞** 白髮暗相催。好景休辜負。正值着筵賓月午。謾憶三閭楚大夫。嘆離騷九辯誰續。混風俗。且自歡

精言可雪齋稿
娛虎踞龍蟠壯。帝都粧點出丹青畫圖。快活煞風流人物。便休題歌舞醉西湖。

賞金陵八景

北越調鬪鶴鷄。帝業南都。天開上國。虎踞龍蟠。吳頭楚尾。山海來賓。車書混一。仰聖功歌。聖德。政化流行。胡塵一洗。

紫花兒序

修復就三王典禮。掃蕩了六代浮華。剏立起一統洪基。山川鞏固。殿闕崔嵬。雍熙班生賦最宜。占斷了江南佳麗。說甚麼唐宋中興。周漢關西。

小桃紅

曉從鍾阜候雲霓。掩映扶桑日。鬱鬱葱葱。

靄佳氣。卷舒遲。分明彩鳳朝陽立。須煩太史。占豐紀瑞。有頌獻彤墀。

鬼三台

望百堞排銀雉。正臘雪初開霽。粧點出石城壯偉。一帶素屏圍。聳嶙峋百尺。走銀蛇漫坡伏。又起。偃玉龍遠岡高。又低。這一段暮景蒼茫。堪寫入漁蓑畫裡。

金蕉葉

白鷺洲斜橫燕尾。合抱着中流。二水尋桃葉。桃根故跡。空蕩漾。春潮數里。

調笑令

朱雀橋那壁。問烏衣。百姓人家燕子飛。想當年王謝居權貴。到如今事往人非。江山變遷那可

追。祇留下淡淡斜暉。

禿廝兒

聽嘹唳風前奏笛。只疑是舊日桓伊。向秦

淮試將蘭棹艤聲宛轉。韻清淒烟暝長堤。

聖藥王

形勝奇林麓美。另巍巍天印鎮坤維。樵斧

息樵唱起。恁山謳野調總相宜。真趣少人知。

青山口

鳳臺鳳臺月輪輝。晚雲收秋露洗。鳳凰鳳

凰又來儀。值堯天當舜日。詩翁逐杖藜。閨人正

搗衣。聽那細細微微。拂拂霏霏。龍江深夜裡。蓬窗客

夢回。天涯鄉信稀。刻燭談棋。剪韭傳杯。遠過瀟湘佳

致。小可西湖更難比。

隨煞

江南自古繁華地。受用煞花朝月夕。一從八

景賦金陵。便覺胸中小彭蠡。

秋景

南仙呂一封書犯

驚一葉墜井。陡覺新涼夜半生。

欹珊枕夢醒。碧紗幮暑氣清。酒面荷香綃袂爽。雲鬢

參差釵玉橫。下空庭露華零。唧唧寒蛩草砌鳴。寒蛩

繁。秋露冷。薰香頻換已三更。合蕭條意。遲暮景。這般

幽怨幾曾經。

皂羅袍犯

笑語西樓相應。看穿針乞巧。坐待天明。

蛛絲瓜菓謾爭能。寧知巧拙天分定。牽牛織女迢迢

兩星銀河一水悠悠兩情。嫦娥誰與憐孤另。花陰下。款款行。戲拈羅扇打飛螢。前合

勝葫蘆犯。絳蠟秋光冷。畫屏剛吹斷紫鸞笙。怕見梧桐雙瘦影。無端孤月。又在梧桐缺處明。吳山翠。楚樹青。天涯望斷幾長亭。前合

安樂神犯。愁人厭聽。西風一片。搗練砧聲。試將郎意比浮萍。萍蹤穩似郎心性。欲把寒衣寄。無限別離情。遠道誰堪倩。風和雨。不肯晴。紛紛落葉滿江城。前合
尾聲。強支持。懣漸病。晚來閑把小闌凭。自折黃花力不勝。

南寧總戎第夜宴

北有白子枝花。詩成奪錦給花重。欵烏帽。酒光浮玉竿。燭影射金翹。珠翠週遭傳內苑。新聲妙貯侯門地位。同一天邊風月分來。又花底笙歌會早。

梁州第七。翻白雪尊前麗曲。舞回風掌上纖腰。洞天深不許凡人到。雕梁畫藻。粉壁塗椒。簾幃低簌香靄輕飄。勝蓬萊閬苑。逍遙有玉環飛燕。嬌嬈司空眼。見慣尋常。刺史腸難禁懊惱。翰林才堪與評跋。主賓興好。譙樓一任更籌報。人半酣燭高照。燈火熒煌醉客豪。真個是夜夜元宵。

煞尾 金釵墜玉手織東坡詞語分明道錦帳圍羊羔勸太尉家風豈浪嘲一刻何曾負歡笑覷浮名意薄怕公家事擾似這等舞女歌兒受用到老

賞中秋

北商調集賢賓 敞南樓夜深簾半捲看雲翳淨遙天人世裡秋光剛半碧天邊兔魄初圓共清光萬戶千門盼佳期動歲經年立高臺覷天不甚遠分明的桂影高懸我這里臨風歌窈窕把酒對嬋娟

逍遙樂

逢時開宴老子今宵風流不淺笑聳吟肩伴粗豪酒聖詩仙果是今年勝去年將數曲闌干倚

遍殷勤問月人既多情月豈無言

醋葫蘆

盈虧在數餘尋常任晦顯一輪兒今夜向尊前聽霓裳羽衣仙韻演大開着廣寒宮殿覓浮槎直犯斗牛邊

么篇

我笑那謝玄暉吟詠慳庾元規局量匾一個袁宏牛渚便回船若嫦娥肯將人可憐許一個年年來相見又何妨夜夜拚遲眠

么篇

那洗炎薰露滿衣快襟懷風一翦恰金神戰退了火龍權好良宵抵憑歡笑遣報徹了銅壺銀箭水沉香消盡玉爐烟

梧葉兒 人意滿。月光少。月明多人事。寒今日個人。月兩團圓。玉山倒。君休計。綠醅空衣。再典則。管裡苦留連。問甚麼。梧桐影轉。

後庭花 把瓊觴住。又傳將。瑤席收。更展。直喫到樹杪。銀河瀉。城頭斗柄偏。杯爛熳。興陶然。猛可裡。秋聲一片。竹瀟瀟。曲檻前。葉飄飄。荒砌邊。蛩淒淒的語。最便。鴈呀呀的聲漸遠。

青歌兒 月有意。清光普遍。人幸得此身康健。人有意時。月有緣。願的是歲歲年年。人月依然。老子痴顛。白髮垂肩。睥睨青天。呼吸長川。坐太乙池蓮。駕御寇雲軒。袖拂秋烟。手挾飛仙。娑羅樹底。藥爐邊。直要見嫦娥面。

浪來裡煞 陰晴少。定期造化多。遷變。一年裡能有幾回圓。人情暗隨天道轉。天若是與人方便。儘今生常醉月光前。

賞桂花

北中呂粉蝶兒 萬斛秋香。想靈根產來天上下。瑤堦白露生涼。玉蕙象。金爛熳。滿枝爭放。茜紫妖黃。花一名種分三樣。

醉春風 銀漢月華明。清秋天氣爽。只愁風雨近重

陽及早裡賞。賞在曲角闌邊。太湖石畔。綠陰亭上。
迎仙客 且不索張玳筵。列紅粧。受西風半教。簾幕
敞。月在天。酒在觴。對着這瀟灑風光。一弄兒詩人况。
紅繡鞋 太白有冲天豪放。淵明有傲世清狂。花月
娛人不能雙。采石月無花共。彭澤菊帶寒霜。愛良宵
今勝往。

普天樂 玉闌遮銀屏障。遊蜂謾採。浪蝶休忙。千葩
吐異芬。四出呈新樣。舉酒高歌。花相向。把花神仔細
端詳。端的是香清似麝蘭。色嬌如金粉。品壓盡羣芳。

石榴花 想牡丹聲價重。花王可憐春去太匆忙。漫
山桃李總尋常。江梅有暗香。冷落在溪傍。想芙蓉幾
樹秋江上。淒涼殺遠水斜陽。值名花在眼身無恙。我
這里痛飲待何妨。

鬪鶴鶉 愛的是細蕊雲稠。喜則喜繁枝翠攘。見如今
露冷天寒。正值着風清月朗。拚着個酪酊花前醉幾
場。儘教人笑我狂。或是秉燭通宵。或是凭闌半晌。

上小樓 不是我詞華過獎。不是我心情偏向。想起那
好竹王猷。愛蓮周子。採藥劉郎。爭如我對月忘憂折
桂無心。看花想像。恁清風不教多讓。

前腔 我風味別。興趣長。香惹烏紗。香襲書帷。香沁羅

裳花下閑眠。花外徐吟。花前凝望。受用足淺斟低唱。
滿庭芳 烟滋露養。根深蒂固。葉茂枝昌。廣寒宮闕
高千丈。覓浮槎怎泝銀潢。全不許鶯喧燕攘。只疑是
鳳翥鸞翔。想凡卉多般樣。有濃粧艷粧。爭如他正色
占中央。

十二月 使不着吳剛伎倆。用不着韓壽心腸。待學
賦淮南招隱說。甚麼竇氏遺芳。正近着秋吟綠窗。寫
幽情費盡了思量。

堯民歌 這答兒 賽杜陵流水浣花堂。勝裴公綠野午
橋莊。踈英瑣碎。月昏黃。冷香飄蕩露清涼。更長更長

漏轉長。坐到斗柄西樓上。

耍孩兒 丹青巧筆難形狀。不似那閑花朵三三兩
兩。一團清氣暗包藏。倩西風簇就金囊。分來月窟千
年秀。奪盡東籬一片香。自一種超凡像。便休提櫻唇
點紫。宮額塗黃。

四煞 嫩枝柯含細雨。舊根基培沃壤。歲寒不改長
興旺。幽叢未肯依窮谷。仙迹合教貯粉牆。志節真高
尚。論交少等。定價難償。

三煞 花怜人似有情人。惜花勞稽顙。淺黃淡白閑
摹仿。密攢玉糝連枝巧。斜妥金釵一股長。無語空惆

悵難留花事。易老韶光。

一煞 未安排賞翫心。先習學栽種方。頻收新蕊歸
佳釀。靜陪明月清塵夢。遠逐涼颼入醉鄉。聽畫角聲
悲愴。正蛩吟啾唧。烟靄蒼茫。

尾煞 清香自護持。知音誰過訪。夜深時只恐嫦娥
降。則聽得環珮珊珊在半空裡響。

秋怨

北雙調新水令 鴛鴦夢斷藕花鄉。晝沉沉水心亭

上。柳絲牽舊恨。花纈鬪新粧。立盡斜陽。無語幾惆悵。

駐馬聽 客路修長。一度書來一度想。金風飄蕩。一

番雨過一番涼。生前業債甚年償。眉尖悶鎖何時放

聽誰家砧韻響。一聲聲偏搗在愁心上。

鴈兒落 好似那無根蓬。欠主張。漫天絮閑遊蕩。逐波

萍任去留。隨風柳多偏向。

得勝令 呀空寫下舊事兩三行。故紙百十張。把些個

詭鬼瞞神誓。番做了唆秦騙趙謊。害軟了心腸。對人

前口強心不強。病染膏肓。那里是醫良藥不良。

川撥棹 一弄兒助淒涼。沒來由閑鬧攘。兩兩寒蟄

草下堦傍。也會把離人話講。絮聒聒多半晌。

七弟兄 他在那遠方。異鄉。着我費思量。且休提動止

精言可雪癡癡
渾無恙。便些兒破綻。有何妨。莫輕將美愛都全忘。呀。
恰思今還念往。

梅花酒

問月在西廂。待月。在東牆。對月在南窗。匆
匆的秋又來。呀。迢迢的漏偏長。遲遲的夜未央。塵蒙
了象牙床。火冷了。玉爐香。零落了錦香囊。冷淡了舞
衣裳。金縷也不成腔。金鴈也不成行。

收江南呀。爲誰消瘦減容光。蛾眉空想畫張郎。薄情
繫馬向垂楊。知他在那廂。高燒銀燭照紅粧。

離亭宴煞

枕邊悄語成虛妄。從來好事多魔障。積
憤下恩多怨廣。鏡奩兒羞照舊時容。袖梢兒不乾今

日淚。裙腰兒減盡前春樣。捱徹了孤辰寡宿年。再整
理。帶雨尤雲。况跳出了愁城恨網。將養的比翼羽毛
成。醞釀的並頭花朵就。滋培的連理枝條旺。謾鋪設
翡翠屏。重拂綽鮫綃帳。滿捧着瓊觥玉觴。三秋月儘
情看。四時花隨意賞。

冬景

南南呂梧桐樹。深深繡幕遮。簇簇銀屏列。四壁氍
毹。遍地重裯藉。雕楹轉畫闌。詰曲通臺榭。獸炭紅爐。
翠鼎龍涎爇。一窩攬盡閑風月。

東甌令

殊幽致。不驕奢。與太尉家風分外別。瓊酥

旋點羊羔熟。那里省嚴威列。美人附耳悄聲說。門外正飛雪。

大聖樂 把珠簾款款低揭。見彤雲迷四野。初疑暮雨梨花謝。又交舞玉蝴蝶。我這里吟髭謾撚。吟肩起。自把寒梅帶笑折。呼童命妾。遣金尊謾倒。綺席重設。解三醒。剛纔聽鳳笙吹徹。早象板銀箏又打迭。行雲繚繞歌喉咽。正纏頭舞錦橫斜。我則見香風滿座。飄蘭麝。更那堪翠袖金釵掩映者。誰曾問燭花銷鳳杯影吞蛇。

餘音 太平年歡娛夜。主豪賓勝兩奇絕。金谷梁園也讓些。

冬景題情

南南呂梧桐樹 漫漫瑞雪鋪。密密彤雲布。兩兩漁簑粧點江天暮。慚無謝女才。空想梁園賦。學弄梅粧。又恐天孫妬。無言半晌深扃戶。

北馬玉郎 白鷗皓鶴失鮮素。雲鬢鬢雪模糊。攔截遊子歸來路。平埋了折柳亭。橫遮斷嘶馬橋。緊凍合停橈渡。

南東甌令 思前事。想當初。有箇人兒對擁爐。雲屏霧障重重護。却易把流年度。如今人去影兒孤。教我

怎支吾。

北感皇恩 香盡金鳧。水冷冰壺。空閑了繡氍毹。闌珊了金鑠鍊。零落了錦流蘇。愁腸曲折。夢境糊突。想着他千般呪。百歲盟。半星無。

南浣溪沙 風月招。因緣簿。到如今。一筆皆塗。痴心倩女成耽誤。薄倖相如下。狠毒。心正苦。見兩個飛禽兒惱人。也來相喚相呼。

北採茶歌 拈彩筆。手生疎。寫不就雪蕉圖。把這病容愁臉。細臨摹。寄到君前。君一覩。崔徽不是舊規模。南尾聲 晚來時。添淒楚。茫茫飛雪遍江湖。正是夫

戍蕭關妾在吳。

冬暮題情

南雙調黑麻序 點檢梅花。見南枝春信漏洩。今宵雪模糊。可堪半壓寒稍。依稀暗香動。且浮。踈英嫩。又嬌正無聊。着意看時。却又被花相惱。

前腔 清曉眉黛慵描。整殘粧無語。向花微笑。惜花人此時音問寥寥。凭闌天寒。縞袂薄。風輕繡帶飄。自今朝。一捻腰圍。却寬掩翠裙多少。

忒忒令 任雪花梅英鬪巧。憔悴人暗傷懷抱。此情若使天知道。離恨比天更高。果然是天知道。和天也

瘦了。

五供養 青山頓老。誰收拾滿地瓊瑤。蒼茫冬暮景。舉目正蕭條。笑我因花起早。聽滿耳靈禽喧噪。不報些兒喜。惹煎熬。北風吹面利如刀。

好姐姐 一交黃昏靜悄。孤另另銀缸相照。把燈兒慢挑。和衣剛睡着。誰驚覺聲寒指冷。難成調。偷弄飛瓊碧玉簫。

川撥棹 難猜料。自來這讀書人心性喬。早殢上金屋嬌姿。頓忘了臨邛故交。漢相如恩愛薄。卓文君緣分少。

錦衣香 闌珊了錦字詩。差錯了瑤琴操。釵分了交股金。帶折了連環套。鳳凰簪鏤鏤玲瓏。那得堅牢。桃花源上不通潮。傷心總是雨葉風條。連枝樹近來也生成恨種愁苗。魚鴈無消耗。水濶山高。紅絲繫足。誰把并刀雙攪。

漿水令 不索將蒼穹禱告。一任他傷人戲嘲。名香夜夜對天燒。幽情未訴。意攘心勞。從前事都忘却。只求眼下他來到。鴛鴦被鴛鴦被。重薰麝腦。銷金帳銷金帳。慢飲羊羔。

餘音 愁容等的生歡笑。說甚暮冬天道。番成月夜

花朝。

冬怨

北黃鐘醉花陰 今歲江梅試花早。一夜裡南枝遍了。舒玉手捲珠箔。恰待看花。又恐花神笑。人瘦損楚宮腰。花比離人容易老。

喜遷鶯

減花容月貌。平空的兩日三朝。煎熬眉尖額角。蛾綠宮黃懶去描。好梳粧都罷却。見不的鴛鴦枕冷。覷不的翡翠衾薄。

出隊子

聽紅兒來報。有青山頭白了。瓊珠滾滾樹頭拋。蝶翅翩翩檻外飄。柳絮漫漫風內攪。

前腔

讓豪家歡樂。擁紅爐圍暖閣。十分金盞勸羊羔。八面金屏護錦貂。三足金爐煨麝腦。

刮地風

他每都喝雉呼盧胡做作。賣弄他一味粗豪。繡毼低簌芙蓉幕。四下裡銀燭高燒。俊嬌嬈把玉

笙雙抱。美娉婷把錦箏斜靠。吹的吹彈的彈滿堂喧

鬧。試龍團烹鳳爪。喚家僮旋掃瓊瑤。勸酬頻觥爭從

顛倒呀。敢醉醺醺生怕曉。

四門子

孤眠人况味誰知道。小房櫳偏靜悄。淚顆來彈。燈燼來挑。推長更好生難打熬。歲月又長。山水又遙。直這般離多會少。

古水仙子 昏昏昏恰睡着。聽聽聽是誰把深深繡
戶敲。我我我索自驚疑。他他他登時來到。將將將那
脫空言都告繳。喜喜喜再成合鳳友鸞交。悠悠悠戀
高唐楚雲剛縹緲。呀呀呀溪雞聲好夢來驚覺。看看
看金鴨內篆烟消。

尾聲 梅雪清香總奇妙。惜花人自無聊。年年到恁
時常病倒。

題情

南商調鶯啼序 孤幃一點殘燈。見半滅猶明。夜迢
迢斗帳寒生。展轉幽夢難成。盼雕鞍把歸期細數。恨
浪跡全然不定。把前歡自省。說來的話兒無憑。

黃鶯兒 無語對銀屏。正樵樓鼓二更。梅花笑殺人
孤另。踈鐘幾聲。殘角數聲。薄衾單枕愁難聽。影伶仃。
崑崑瘦骨離恨。教我怎支撐。

集賢賓 椰榆鬼病誰慣經。但舉步難行。翠鈿金釵
無意整好。梳粧一日何曾。心懸意耿。自古道佳人薄
命。淒涼景。盼不到美滿前程。

鬪雙雞 芙蓉面芙蓉面。淚痕暗凝。楊花性楊花性。
別離太輕。自是東君薄倖。一樹紅芳誰管領。浪蝶狂
蜂。休得要鬪爭。

簇御林。天涯路長短亭。怨王孫芳草青。晝長羞把
闌干凭。幾遍將鱗鴻倩。訴衷情。千言萬語。猶恐欠丁
寧。

琥珀猫兒墜

野花村酒。他那里醉還醒。冷落誰憐

冬暮景。奴耽寂寞你飄零。難憑頓忘了神前海誓山
盟。

餘音

風流惹下風流病。只索把那人痴等。他無有

真誠

我須辦着志誠。

題冬景

南南呂一封書犯

朔風勁透幕。布被嚴寒曉漸加。

彤雲布四匝。玉琮瑀鳴萬瓦。幾點沾衣輕忽舉。成陣
漫天橫又斜。遍天涯。淨無瑕。頃刻園林盡試花。銀葩
亂。玉蕊雜。素鸞白鶴舞交加。合門深閉。杯笑把。肯將
樂事讓豪家。

皂羅袍犯

柳絮才高誰和。倚西樓日晚野興偏多。

漁翁獨釣擁寒蓑。千山那有飛禽過。未知來歲麥熟
幾何。問渠農事。遺蝗有麼。宜時且把豐年賀。醒而醉
一任我。絕勝錦帳宴笙歌。前合

大河蟹犯

狂解鷓裘付酒家。酒盡後喚重賒。滿地

瓊瑤未經掃。莫教踏碎石。鼎呼僮謾煎茶。冰誰剪。鹽

亂撒銀杯逐馬帶隨車

前合

樂安神犯

凍驢須跨南枝梅信。泄漏年華。溪橋村

路景偏佳。豈惟江上堪圖畫。散漫飄僧舍。詩句韻無

前合

差。遠密把歌樓酒。凝眸處多半雲。光搖銀海。眩生花

餘音

日高時。尤僵臥。閑中歲月暗消磨。寄語高軒

莫見過。

小令

九日

北水仙子帶過折桂令

西池纔見翠荷殘。南浦初

聞白鴈還。東籬又喜黃花綻。問登高何太晚。被無情
雨阻風攔。雨洗的秋容淡。風吹的人意懶。便追遊不
索去龍山。○便追遊不索去龍山。簾幙低垂。門戶重
關。名利渾忘。清閑自守。故舊相看。芻醢醪頻傾玉盞。
撚茱萸。咲倚雕闌。節序循環。世事艱難。便做道百歲
人生。能有得幾度開顏。

暮春志感

北脫布衫帶過小梁州

問城南花事如何。歎尊前

故舊消磨。鞦韆院垂楊靜鎖。管絃樓小桃零落。○九
十韶華夢裡過。卽漸蹉跎。峭寒猶自戀輕羅。東風大。

三月未融和。○無聊靜掩空齋坐。強支持酒病詩魔。
燕子慵鶯兒情。海棠開過。春事已無多。

閑情 二首

北醉太平 塵濛象管。香冷雕盤。玉簫聲歇。怨孤鸞。
怪陽臺夢短。撲蝴蝶。撲得芳心亂。看鴛鴦。看得柔腸。
斷聽流鶯。聽得黛眉攢。別離情萬般。

天連倦眼。路阻雕鞍。小樓高處望長安。倚闌干。到晚。
口樽的。紈扇。圈兒綻。手搓的。金鈿。花兒爛。淚彈的。紅。
錦帕兒。瑣恨薄情未還。

上元漫興

北水仙子 朱闌深護小房櫳。一片笙歌花外擁。寒。
威不到梨雲洞。喜盤桓清夜永。想人生好景難逢。新。
酒盈缸。綠春燈照座紅。怕是麼雨雨風風。

四時閨怨

北蟾宮 瘦伶仃減盡腰圍。寬一指羅衣。褪一指羅。
衣。舊巢寒燕子初歸。開一扇朱扉。掩一扇朱扉。思昏。
昏情默默聽一聲鳥啼。怪一聲鳥啼。雨零零風細細。
見一片花飛。怕一片花飛。轉頭來綠暗紅稀。惜一霎。
芳菲。怨一霎芳菲。

小池塘細漾清漣。開一簇紅蓮。謝一簇紅蓮。午陰濃。

嘉樹青圓。噪一片風蟬。咽一片風蟬。話兒長字兒短。
寫一行彩箋。算一行彩箋。路兒遙人兒遠。擲一會金
錢。問一會金錢。翠爐中頻炷沉烟。覺一日如年。度一
日如年。

鎖梧桐。細雨重門。經一度黃昏。怕一度黃昏。楚天遙
過。鴈聲頻。望一段行雲。化一段行雲。信兒虛音兒少。
勞一番夢魂。空一番夢魂。被兒單枕兒冷。搵一半啼
痕。漬一半啼痕。倩連環織錦。迴文通一個殷勤。寄一
個殷勤。

戀孤衾。曉夢初醒。報一處雞聲。唱一處雞聲。響銅壺
玉漏。琤琤。數一刻殘更。推一刻殘更。景淒淒。寒凜凜。
添一圍畫屏。列一圍畫屏。影蕭蕭。光閃閃。羞一點殘
燈。對一點殘燈。調梅花角動。江城吹一曲離情。訴一
曲離情。

寄情

南黃鶯兒 費殺小心兒。病恹恹都爲爾。書兒信兒
明傳示你。若還有詩。我定然有詞。叮嚀莫忘王魁事。
細尋思。爲休書一紙。大闢了海神祠。

四時閨怨

南金落索 東風轉歲華。院院燒燈罷。陌上清明細。

雨紛紛下。天涯蕩子心。盡思家。只見人歸不見他。合歡未久難拋捨。追悔從前一念差。傷情處。慼慼獨坐。小窗紗。只見片片桃花。陣陣楊花。飛過鞦韆架。楊花亂滾綿。蕉葉初學扇。翠蓋紅衣。出水蓮新現。燒殘金鴨內。水沉烟睡起。紗厨雲髻偏。無端好夢誰驚破。花外鶯聲柳外蟬。羞臨鏡。千愁萬恨對誰言。只見舊恨眉邊。新淚腮邊。界破殘粧面。

閑堦細雨收。翠幕新涼透。衰柳殘荷。正值愁時候。近來都減却。舊風流。爭奈新愁接舊愁。白雲望斷天涯遠。人在天涯欲盡頭。相思病。無明徹。夜幾時休。只見鴈過南樓。人倚西樓。人比黃花瘦。

銀臺絳蠟籠。翠幄金鈎控。錦帳紅爐。獨自無人共。月明纔轉過。小房櫳。不放清光照病容。愁聽畫角聲三弄。吹落梅花一夜風。關山遠。魚沉鴈杳。信難通。孤眠人最怕。隆冬。又值嚴冬。做不就。鴛鴦夢。

青樓十詠

初見

北酷葫蘆。會陽臺雲雨濃。濕羅衣。風露冷。怨青鸞黃犬又無憑。乍相逢。只疑虛夢境。半晌價度量不定。把銀缸仔細照分明。

小酌

前腔 喚銀瓶滿注漿。勸金杯休放淺。盡歡娛不索苦俄延。敘情的話兒權告免。有一日滿足心願。那時節重列綺羅筵。

沐浴

前腔 水晶簾半上鈎。芙蓉屏都放厥。溫泉淨洗粉脂香。暑全消自然肌骨爽。坐近藕花池上。不搖紈扇自清涼。

納涼

前腔 挹荷香坐水亭。愛桐陰臨露井。戲拈羅扇打飛螢。翠爐中自焚黃串餅。喜孜孜玉肩相並。望銀河笑指問雙星。

臨床

前腔 卸合歡玉燕釵。解同心金鳳紐。窄弓弓羅襪褪雙鈎。背銀燈半遮樊素口。言語兒半推半就。殢人情特地撒嬌羞。

並枕

前腔 傷香肩搵粉腮。貼酥胸交玉股。繡鴛鴦春暖勝珊瑚。得同衾此生多分福。却正是良宵易度。儘遲遲更漏響銅壺。

交歡

前腔 笑悄悄。寒黛眉。喘吁吁。推繡枕。殢幽歡。悞落
鳳釵金。漾回文浪。翻鴛被錦。一合兒。雨雲情甚。覺梨
花春瘦。恐難禁。

言盟

前腔 巧舌頭。枉自甜。浪青絲。不索剪。辦名香。一炷
對蒼天。金石情百年圖久遠。有一個意別心變。遊魂
兒直告到海神前。

曉起

前腔 冷金爐。蘭麝香。轉紗厨。明月影。韻悠悠。書角
送殘更。待披衣。又延多半頃。宜怪這使兒催併。早花
稍紅。日上窗櫺。

送別

前腔 浪姻緣。一霎休。惡相思。何日止。料此時。相見
又何時。寄平安。不須天樣紙。休寫這別離兩字。叙些
兒恩愛。好言辭。

閑情 七首

北小桃紅 小溪泛盡却山行。去去多詩興。瘦馬輕
衫頗相稱。雨初晴。透迤綠野連芳徑。桑陰柘影。村閑
人靜。啼鳥兩三聲。

兩山排闥送青來。人在青山外。且自看山了。詩債厭
塵埃。何時得解金魚帶。買田問宅。遠臨溪瀨。築個釣
魚臺。

點溪荷葉疊青錢。蚕事家家遍。村舍薰風戲。雛燕。裊
吟鞭。青泉白石相留戀。朝衣咲典。山翁相見。說會太
平年。

家家扶得醉人歸。村酒村翁醉。桑柘斜陽滿牛背。傍
柴扉。汪汪一犬迎人吠。詩中畫裏。倩誰寫意。千古憶
王維。

一行白鷺上青天。新水平湖面。望水尋山頓忘倦。不
添錢。綠醅價少溪魚賤。詩人量淺。村翁頻勸。醉藉午
陰眠。

新篁搖綠兩三梢。流水柴門抱。十里青山帶殘照。晚
鐘敲。蒼苔逕路人稀到。老僧意好。相逢一笑。送過虎
溪橋。

竹林深隱地仙居。人在山深處。門逕蕭然自成趣。芻
豨除。鶴羣長繞三珠樹。松堂一雨。片雲飛去。月照案
頭書。

寄妓

南駐馬聽。一首新詩。寄與梨園女教師。不着疼熱。

暗使機關。枉費言詞。大拚告到海神祠。海神難管恩情事。子細尋思。王魁與我不相似。

怨別 十三首

南風入松 想才郎心性似楊花。虛飄飄難按難拿。鞦韆院落茶蘼架。到處裡隨風落下。沾不穩銀屏繡榻。又一片入誰家。

想才郎心性似游絲。慣牽纏浪蕘狂枝。春蠶口裡渾不似。織不得回文錦字。休道是全無定止。終有個傷人時。

想才郎心性似風箏。盼不到萬里鵬程。一絲手內牢牽定。虛空裡安身立命。一去了何曾見影。身更比羽毛輕。

想才郎心性似浮萍。那里也土長根生。東流西蕩何曾定。隨風浪一般水性。常伴着殘英斷梗。無半點是真誠。

想才郎一去了許多時。誰知他節外生枝。書來止說功名事。不道着恩情兩字。本待要尋活覓死。怕落下反名兒。

想才郎一去了半年餘。那里會寄紙音書。薄情下得拋人去。擎着淚留他不住。他若是爲官中舉。我先准

備七香車。

想才郎一去了不回來。闌干上畫損金釵。爲他消瘦。因他害。怎教我痴心寧耐。休道是一年半載。三五日早難捱。

想才郎一去了杳無憑。早忘了海誓山盟。說來話兒全不應。誰似你辜恩薄倖。對神前提着小名。才罵了又心疼。

想當初張珙爲功名。普救寺裏撞見箇鶯鶯。鬼兒夢兒相纏定。兩下裏慳慳成病。我更比鶯鶯有情。尋不着俏張生。

漢相如原是有情人。正遇着個新寡文君。琴聲引得心兒順。獨駕起香車私迤。我賽過文君幾分。爭下得便忘恩。

販茶船賺了小蘇卿。那里也發付雙生。金山寺裏畱名姓。重配了臨川縣令。我更比蘇卿志誠。郎心性似浮萍。

李亞仙跟定鄭元和。把家私卽漸消磨。卑田院裏耽饑餓。這緣分非同小可。我爲你恩多怨多。直恁般太情薄。

憶巫山神女會高堂。一番價夢境難忘。朝雲暮雨陽

臺上宋玉賦空勞想像。比神女咱多念想。他不似楚襄王。

風情 四首

南駐雲飛。燭影搖紅。翠袖殷勤捧玉鐘。淺笑蛾眉縱。欵步湘裙動。嗒惱亂杜司空。醉眼朦朧。一曲清歌。誤把行雲送。猶恐相逢是夢中。

薄分劉晨。一別天台。隔世塵。花月追風韻。冰玉思清潤。嗒春夢了無痕。早是傷神。流水桃花。還向溪頭問。不見當時勸酒人。

舊日張郎。曾記眉兒畫短長。得見風流樣。問甚別離况。嗒纖手捧霞觴。滿勸瓊漿。人自當壚。何用金貂當。爛醉佳人錦瑟傍。

皓齒纖腰。寶髻宜簪白燕高。細把銀燈照。不管春雞報。嗒何處教吹簫。再見今宵。縱有千金。難買傾城笑。金屋粧成貯阿嬌。

香閨八詠

眉黛顰蹙

北滿庭芳。嬌容中酒。春山凝翠。新月含羞。綠窗睡起。紅綃皺。心事悠悠。傷粧臺空勞玉手。對西山懶上珠樓。雙蛾鬪。傷離病久。風雨替花愁。

月奩勻面

前腔 嬌容濟楚。粉腮濃淡。花臉消疎。一泓秋水歡
相聚。難畫難圖。訴離情那堪並語。任傷心不敢長吁。
關心處。青鸞對舞。腸斷影兒孤。

翠袖啼痕

前腔 綠窗睡起。愁嫌夢短。恨怪春遲。燕鶯聲不管
人憔悴。悞了佳期。襟領前紅香潤濕。粉腮邊斑點塵
迷。關心淚終宵暗滴。恐怕外人知。

芳塵春跡

前腔 剛剛半扎。盈盈羅襪。淺淺金沙。等閑立在西
廂下。款款輕踏。弓鞋窄尖尖笋芽。鳳頭蹴步步蓮花。
些娘大。十分俊雅。不許外人誇。

繡床凝思

前腔 停針半晌。慵拈彩線。倦倚紗窗。吐絨幾縷添
愁况。猶帶紅香。刺不就雙飛鳳凰。繡不成並宿鴛鴦。
空遙望。低頭暗想。何處也畫眉郎。

雲窗秋夢

前腔 驚回夢殘。喚覺酒醒。聒得心煩。叮嚀響處流
風散。明月啣山。是何處濯衣向晚。聽誰家搗練催寒。
長吁嘆。愁併恨攢。夫婿幾時還。

金錢卜遠

前腔 不聞動止。懷君甚矣。遊子何之。對神明暗祝。心中事。切切思思。曾約定佳期在此。又過了風雨花時。無書至。惜花箋半紙。莫不交變了那人兒。

水盆沐髮

前腔 貂蟬鬢妥。溫溫沉水。漾漾清波。蘭膏洗淨新涼和。丰韻偏多。喜孜孜眉顰翠蛾。笑悄悄髻挽青螺。香風過。烏雲一朵。鏡兒裡見嫦娥。

風情 四首

北一半兒 懷兒中。憫惜費溫存。燈兒下。觀瞻越可

人床兒前。央及到半時辰。笑忻忻。一半兒推辭。一半兒肯。

纖腰恰褪繡羅裙。寶髻斜堆玉枕雲。粉腮春透熱氣氤。汗津津。一半兒佯羞。一半兒親。

俏心腸。端的性難拿。冷句兒將人。俟落煞。盟山誓海。口熟滑。俏冤家。一半兒真誠。一半兒假。

不禁春色眼兒涎。不慣行雲猶氣喘。金釵斜隊鬢雲邊。鏡臺前。一半兒蓬鬆。一半兒偏。

中秋 四首

北水仙子 尋常三五一般圓。此夜清光分外妍。白

頭又見嫦娥面。是今生緣不淺。月徘徊人正無眠。滿
滿的金杯勸。徐徐的涼影轉。要相逢又是明年。

一輪海上鏡新磨。百步庭中光正可。綠烟却被風吹
破。廣寒宮門不鎖。捲珠簾試問嫦娥。人老也長看月。
月圓時偏照我。月和人那個情多。

霓裳人聽一聲歌。玉斧誰修七寶盒。還丹兔搗千年
藥。三般兒事若何。分明的影動山河。張華誌休評論。
盧仝詩權架閣。愛的是陰少晴多。

初離海角水晶丸。乍到天心白玉盤。嫦娥欲與幽人
伴。去遲遲來欸欸喜。今宵人月團圓。分大地秋一半。
月中庭光占滿。廣寒宮是有多寬。

閨情別意 四首

北水仙子


月明閑照小紅樓。低簌珠簾不上鉤。帶

圍寬。陡恁腰肢瘦。爲多嬌憶舊遊。自相別。減盡風流。
對美景難消悶。飲香醪。怎解愁。下眉頭。又上心頭。
月明閑照小亭軒。斜倚闌干懶去眠。對嫦娥欲訴心
中怨。撫瑤琴意慘然。略相別。又早十年。鸞影隻。恩情
斷。鴈聲孤。音信遠。過青春。甚日團圓。

月明閑照小簾櫳。冷落了巫山十二峰。朝雲暮雨成
何用。嘆鴛鴦錦被空。間別來水遠山重。消寶篆金爐

火。鬧秋蟾。鐵馬風。料今宵好夢誰同。

月明閑照小窗紗。爲憶多情夢見他。俊龐兒越恁甚。
描畫笑吟吟。閑戲耍。褪羅裙。恰待歡洽。剛說罷。心口
事。猛驚回。簷外馬。覺來時。依舊天涯。



環翠堂精訂陳

高士里藏板



大聲月香亭稿

全隱先生精訂月香亭稿目錄

套數

北黃鍾醉花陰

雨順風調萬民喜

元夜

北雙調行香子

朝也相思

題情

北南呂一枝花

瘦身軀難打捱

題情

不沾朝野名

秦淮漁隱

草堂外嵐光映日妍

春日即事

清打月香亭稿目錄

一個擬秋娘共品題

有所贈

包含着世外情

為妓陳卿雲賦

清風臥榻孤

關述

北仙呂八聲甘州

春光艷陽

春日詠蝶

北黃鍾醉花陰

深淺荷花二三里

夏日秦淮遊賞

北雙調夜行船

席上催花送酒籌

秋日寫懷

缺月風簾碎影篩

憶所見

太乙峰頭玉井蓮

為妓白蓮賦

南商調山坡羊

風兒踈喇喇吹動

題情

南中呂泣顏回

天氣煖如春

冬景

小令

北水仙子帶過折桂令

閨怨四首

題情

北水仙子

詠六樣人家

中秋

風情

南駐雲飛

題情 七首

北折桂令

思情

北醋葫蘆

美人十詠

北醉太平

冬夜

南駐馬聽

嘲風月 三首

北耍孩兒

風情 二首

北紅繡鞋

新懽

南傷粧臺

風情 四首

北胡十八

風情 四首

南黃鶯兒

聆望 三首

精言月香亭和
風情 三首

北河西六娘子

麗情 六首

坐隱先生精訂月香亭稿

新都環翠堂藏板

套數

元夜

北黃鐘醉花陰

雨順風調萬民喜元夜好

皇都第一烟靄淡漏聲遲。十二天街明皎皎如白日。
樓上下路東西把萬盞花燈高掛起。

南畫眉序

珠掩映翠遮圍。火樹星橋數十里喜金

吾不禁鼓吹聲齊。賀堯年五穀豐登慶上苑新正佳
麗可知共樂清平世。良辰媚景相宜。

北喜遷鶯 值堯天新霽。剔團圓月漾玻璃交輝。冰壺表裏。月色燈光望眼迷。端的是難下筆。一壁廂王孫歡笑。一壁廂士女爭馳。

南畫眉序 同翫賞共追陪。月底星前恣遊戲。看鰲山深夜。萬象低垂。綺羅叢風月無邊。蓬萊境仙凡何異。可知共樂清平世。良辰媚景相宜。

北出隊子 社火每衣冠新製。燈影下喬軀老人未識。粧一箇姜子牙大雪釣磻溪。吊一箇杜子美騎驢醉灤西。扮一箇蘇子瞻乘舟游赤壁。

南神仗兒 踰踰濟濟。塞巷填街。游人似蟻。更有百工技藝。貨郎兒堆堆積積。萬人叢裡。層樓結勢巍巍。香靄散影霏霏。

北刮地風 密匝匝竹竿高百尺。花燈兒委實稀奇。梅花燈朶朶含春意。雪花燈舞態高低。一撲撲錦雲飄墜。一片片綵霞零碎。鳳噴烟麟吐火。滿城佳氣燭乾坤。照四極。動仙音。絲竹金石。早梅香撲面。東風細。呀。敢喜陽和卽漸回。

南耍鮑老 買笑追歡樂無比。唱紅兒斟綠蟻。銀箭銅龍謾相催。拚取今宵醉如泥。儘畱連明月底。北四門子 好風光快殺游人意。夜將闌人未歸。河

漢又傾斗柄又移。只走到鳳城雞亂啼。月色兒沉燈影兒稀。四下裡笙歌未息。

南雙鬪雞 四時雖佳。上元最美。百年人能有幾。密約須還擬。來朝相會。把花燈再看起。

北古水仙子 呀呀呀費品題。看看看看燈火輝煌。滿帝畿。是是是一統山河。喜喜喜萬年祥瑞。他他他衆元公能燮理。見見見卿雲呈彩鳳來儀。敢敢敢見如今四方無戰敵。有有有老人星隱隱。遙天際。我我我鼓舞樂雍熙。

南尾聲 何幸臣民值今日。好風光相賞休違。太平人一齊歌聖德。

題情

北雙調行香子 朝也相思。暮也相思。這相思了。在何時。行也嗟咨。坐也嗟咨。怕看花羞對酒。倦談詩。夜行船 覽鏡驚容。鬢有絲。消盡往日丰姿。冷雨秋蛩。酸風梧葉。攔斷起滿腔離思。

慶宣和 倚遍闌干。候鴈兒。撚斷吟髭。不見佳音半緘至。盼死。盼死。

錦上花 鴈帖魚牋。姻緣故紙。淚眼愁眉。離人樣子。海誓山盟。徒成廢弛。雨跡雲踪。全無定止。

前腔 眉擔一擔愁。心印幾多事。宋玉情懷。沈約腰肢。半世清白。那曾受私。近日淒涼。分明爲爾。

揆不斷 試尋思。久參差。檐閣跨鳳乘鸞志。收斂尤雲。殢雨詞。啗提弄粉。博香事。對西風。暗傷獨自。

離亭宴煞 我飽文章。頗解勤經史。你善吹彈。更喜能針指。相拋許。時空落下些斷腸篇。合歡錦。迴文字。

昨夜書明傳示。寫道相逢在邇。他既不悔真誠。我須當盡終始。

題情

北南呂一枝花 瘦身軀難打捱。美恩愛多艱阻。好

功名都拚捨。閑雲雨盡蕭疎。情興椰榆。俺這里冷落

似宋玉悲秋賦。你那里淒涼如昭君出塞圖。想殺人

也可意姻緣。盼殺人也知音伴侶。

梁州第七 只落得鶯猜燕妬。枉擔閣鳳隻鸞孤。論

聰明不是個閑人物。妖嬈體態。穩重規模。席前打令。

燈下檮蒲。實指望好恩情。久遠如初。誰承望阻天涯。

信遠音疎。爲別離一更更斷夢。勞竄想別離一陣陣。

牽腸割腹。怕別離一番番截燈埋軸。淒淒楚楚。怕的

是畫船兒開往江心去。空作念。枉回顧。抵多少嬌馬

春風出帝都。千里程途。

煞尾。俺這里幾番人去曾分付。您那里數載音書一紙無。知他那着疼熱心腸可相顧。但得你相逢呵分福。相見呵病除。得歡會平生願心足。

秦淮漁隱

北南呂一枝花。不沾朝野名。自得烟波分。斜風新。簫笠細雨舊絲綸。志訪玄真家。與秦淮近。清時容。釣隱。相看着綠水悠悠。回避了紅塵滾滾。

梁州第七。結交些魚蝦伴侶。搭識上鷗鷺親隣。忘

機怕與兒曾混。尋了些六朝往事。吊了些千古英魂。

悲了些陳宮禾黍。嘆了些梁殿荆榛。本是箇虛飄飄

天地閑人。樂淘淘江漢逸民。有時鳴榔近白鷺洲。咲

采青蘋。有時推篷向朱雀橋。閑看晚雲。有時灣船在

烏衣巷。獨步斜曛。有時滿身衣襟。蕭然爽透。荷香潤。

旋折來柳條嫩。穿得鮮鮮出網鱗。歸去黃昏。

罵玉郎。一篝燈下。芻佳醞。身趑趄。醉醺醺。高歌細

和滄浪韻。全不受利名拘。那里將興亡記。把是麼榮

枯問。

感皇恩。守着這蕭索江濱。冷淡柴門。涼露濕蓑衣。清

風生酒竿。明月照盤餐。樵夫野叟。相近相親。昨夜離

石頭城。今朝在桃葉渡。明日又杏花村。

採茶歌 山妻也最甘貧。稚子也頗通文。無憂無慮度朝昏。但得年年生意好。武陵何用訪秦人。

煞尾 茫茫烟水無窮盡。泛泛萍踪少定根。爲甚生平怕求進。想王侯大勛。搏漁樵一晒。爭似我。一葉江湖釣船穩。

春日卽事

北南呂一枝花 草堂外嵐光映日妍。粉墻邊梅萼衝寒謝。小沼上綠波隨雨漲。畫闌前新柳受風斜。春意奇絕。老眼偏歡悅。閑情且打疊。散床頭有限黃金。怕鏡裡無青鬢。

梁州第七

裁漉酒籠頭紗幘。製踏青可脚烏靴。與知音三五詞林社。超羣洒落。異衆豪傑。厭談名利。不尚驕奢。喜的是一村村徑路曲折。愛的是一程程風景全別。買花錢滴溜溜杖上挑着。沽酒店鬧炒炒橋邊問也。載詩囊脹膨膨驢背上馱者。看了他這些。那些。翠屏錦障參差列。尋踈籬覓茆舍。隨定狂蜂與浪蝶。任意跋涉。

煞尾 醉依芳草須拚藉。咲對青山不忍的別。殘角江樓正嗚咽。却又早鴉歸古堞。烟迷綠野。堪付與老手王維畫圖中寫。

有所贈

北南呂一枝花一個擬秋娘共品題。一個較張珙爭

高下。一個並薛濤尤艷麗。一個比宋玉更清佳。試聽

俺判柳評花。一個論厚重多聲價。一個數溫柔絕點

瑕。一個平分福儘坐的香車。一個仗家勢堪乘着駿

馬。

梁州第七一個有賦長門胸中詞藻。一個有泣江州

座上琵琶。郎才女貌人驚詫。一個雲鬟翠袖。一個角

帶烏紗。一個錦心繡腹。一個利齒伶牙。可知道柳耆

卿恣意見。嗟呀蘇子瞻滿口兒矜誇。都不曾弄聰明

說鬼瞞神。那里肯假志誠。撚香剪髮。更休提虛追陪

浪酒閑茶。恩洽愛嘉。並香肩一對兒。堪圖畫。情相投

意相掛。百事過從。幾曾有一事兒。差那世裡的冤家。

煞尾。對楸枰聽夜雨。歡娛不覺殘。銀蟾捧。瑤觴邀

皓月。酪酊重教泛紫霞。見如今池館南風正清夏。翫

垂楊淨露華。賞紅葵。絢錦葩。倩着這半幅鸞箋。把他

來賣弄煞。

為妓陳卿雲賦

北南呂一枝花。包含着世外情。醞釀就樽前俏。忒

玲瓏能變化。多溫潤不虛囂。一朵兒丰標。出沒應難

料形踪未可招。有時節伴銀蟾楊柳樓心。有時節籠
曉日芙蓉殿角。

梁州第七

傷綠窗遮護了些嬌鶯乳燕。襯雕盤暎

帶了些舞袖纖腰。擅梨園五彩誇榮耀。憎春烟冷淡。
咲暮靄輕薄。賽晴霞燦爛。比香霧清高。蘇子瞻助起
評跋。杜樊川惹動風騷。常則是近蓬萊郁郁葱葱。那
里也迷遠樹冥冥杳杳。又不曾戀巫山暮暮朝朝。我
這里想着念着。有千金小可難期約。那風流那輕妙
羸得個無點污的名兒分外標。是何年飛下青霄。

煞尾

砌龍鱗張鳳翼。朱闌碧瓦高低罩。靄祥光搏

瑞氣錦幃銀屏遠近飄。霎時間一陣天風送來到喜
的是聚着。怕的是散了。則待要手掌上奇擎看一個
飽。

閑述

北南呂一枝花

清風臥榻孤。細雨吟檠短。蘭香螭

鼎小。水墨畫屏攢。佳致多般。花木供閑玩。詩書得靜
觀。焦尾琴玉軫。朱絃金星硯。花箋象管。

梁州第七

相對着眼前佳趣。渾忘了身外微官。湖

山左側雕闌畔。逢時取樂。對景追歡。恣情放浪。任意
盤桓。漲春池新水漫漫。滴晴堦曉露溥溥。注金瓶酒

瀉瓊漿。浮雲葉茶香碧碗。碎銀絲。繪縷雕盤。地幽興
滿。喧譁較遠。紅塵斷。儘年光暗中換。一咲掀髯。天地
寬。痛飲須拚。
煞尾 竹交梅友。松爲伴。心廣形舒。體更胖。高臥誰
人敢驚喚。常則是與儒衣散冠。步前村後。曠一任他
興廢榮枯。盡不管。

春日詠蝶

北仙呂八聲甘州 春光艷陽。正人意。恣惶。花柳濃
粧。西園堪賞。步莎茵。喜聽笙簧。桃花爛熳。遊客醉。院
宇深沉。春晝長。見幾個粉蝶兒。巧筆難粧。

混江龍 一個不離朱幌。一個舞東風。上下顛狂。一個
戀餐花蕊。一個暎日尋芳。一個楊柳梢頭。吸曉露。一
個杏花枝上。採清香。一個舞翩翩。旋轉下雕闌。一個
抹薔薇。困歇在湖山上。一個迎風竹徑。一個戲水池
塘。

醉扶歸 一個搜盡風流像。一個逐定買花郎。一個又
被頑童。譏的慌。一個在花下偷睛望。一個搨粉翅來
尋伴當。一個綠楊枝上。見黃鶯。不敢輕狂。

後庭花煞 一個戀名園。桃杏芳。一個怕晚。天庭院涼。
一個曾入莊周夢。一個春風花草香。一個不成雙。輕

輕把翅兒展放。猛翻身飛過宋家莊。

夏日秦淮遊賞

北黃鐘醉花陰
深淺荷花二三里。彷彿似王維畫
裡。涼雨過晚風微。小舫輕移。來往垂楊底。好風景喜
追陪。萬斛塵襟皆蕩洗。

喜遷鶯

人生佳會。與詞林三五相知。忘機盡都是
儒冠布衣。睥睨乾坤更許誰。解詩書。諳義禮。一會價
藏闡。賭令。一會價射覆分題。

出隊子

五陵豪氣。咲談間出衆奇。一個個子瞻文
藻許相齊。一個個司馬才華可並推。一個個杜牧踈

狂堪共比。

前腔

東吳佳麗。水雲鄉事事宜。數行沙鳥。傍人飛
幾點征帆帶雨歸。一片漁歌花外起。

刮地風

多少興亡。殘照裡鎖蒼烟。禾黍高低。慨淒
涼自古繁華地。物換星移。一處處古臺幽砌。一簇簇
野花荒蕪。梁家爭晉家。霸你興我廢。從前事不索提。
笑呵呵。且自啣杯倚篷窗。遠望無纖翳。山水遶
皇都圍故國。

四門子

列金釵。才二雲鬟立。綺羅交珠翠圍。金縷
又歌。象板又催。樂淘淘儘拚沉醉歸。錦瑟又彈。鳳管

又吹一弄兒歌聲潤美。

古水仙子

將將將日墜西。見見見翻雪浪驚濤拍

岸回紛紛紛紛宿鳥飛還。閃閃閃殘霞飄墜。呀呀呀兩
三家半掩扉。喜喜喜儘開懷。展放雙眉。來來來趨南
薰暫將蘭棹艤。璫璫璫送黃昏遠。寺鐘聲碎。看看看
燈火見依稀。

尾聲

載酒重來是何日。重來時切莫相違。常言道

閑處光陰能有幾。

秋日寫懷

北雙調夜行船

席上催花送酒籌。儘拚爛醉金甌。

紈扇生風單衣無暑。藕花池晚涼時候。

風入松

兩輪日月不停留。卽漸鬢絲秋。人生何苦

雙眉皺。故園回首興愁。卞相祠前荆棘。梁王塚上松

楸。

喬牌兒

繁華事已休。山水鎮依舊。浮雲榮辱都參

透。因此上且收頭。牢袖手。

甜水令

但得箇故舊談諧。綺羅圍繞。笙歌左右。此

外更何求。如今命運蹉跎。形骸懶散。才名卑陋。且休

題拜相封侯。

離亭宴煞

歸來又是黃昏後。月上短牆垂柳。夢初

回芭蕉響雨。夜纔深。枕簟驚秋。幾件兒閑窮窶。則不如茆堂靜守。買負郭數十丘。結知心二三友。

憶所見

北雙調夜行船 缺月風簾碎影篩。碧紗厨酒乍醒來。霧鬢風鬟。柳腰花面。多情恁時安在。

風入松

杏花深處小亭臺。猶作夢魂猜。東風邂逅逢嬌態。麝蘭散滿閑階。羅襪凌波半窄。春衫可體新裁。

落梅風

眉尖上眼控側。先畱下幾分恩愛。怕人知特地里佯不採。徐行過玉闌干外。

胡十八

不下懷。自驚怪。悲間阻。想和諧。巫山依舊楚雲埋。鴈書又乖。魚牋倦裁。一身無限愁。十日九番害。

撥不斷

細裁劃。命合該。姻緣頃刻多成敗。鬼病千般強打捱。淒涼萬種難擔載。幾曾得片時輕快。

離亭宴煞

楚陽臺步步荆榛隘。擔閣下兩廂情色。相思卷何年結束。糊突謎甚日明白。傳示你權寧耐。切莫把鰕生見責。是送暖的意見虛。非搏香的性兒反。

爲妓白蓮賦

北雙調夜行船 太乙峰頭玉井蓮。等閑移入梁園。
繡幄遮藏。錦屏圍護。不許路人窺見。

風入松 劉郎心性與花便。獨自掌花權。高燒銀燭
重開宴。風光壓盡桃源。烟靄輕籠。婀娜月明。冷浸嬋
娟。

喬牌兒 惜花人正少年。共花神恣留戀。朱顏相對
如花面。美姻緣天下鮮。

鴈兒落 花香散舞筵。花影迷歌扇。花輸才子看。花
許騷人羨。

得勝令 人是惜花仙。不悵買花錢。痛飲花前醉。狂

吟花底眠。天然果遂今生願。堪怜。還應宿世緣。

鴛鴦煞 名題月老合同券。情留張珙相思卷。山海
盟深。膠漆心堅。暢道是綠嫩紅柔。香嬌玉軟。兩意相
投。已謝却閑鶯燕。風月無邊。諧老芳聲播揚遠。

題情

南商調山坡羊 風兒踈喇喇吹動。雨兒浙零零風
送。雨兒淒楚。風兒橫。繡幕中。燈兒一點紅。燈兒照破
人兒夢。夢遶巫山若個峰。朦朧徘徊兩意濃。匆匆歡
娛一霎空。

皂羅袍 翠被今宵寒重。聽蕭蕭落葉亂走。簾櫳綠

雲堆枕髮鬢鬆。不知溜却金釵鳳。惱人階下。淒淒候
蟲。驚心樓上。璫璫曉鐘。無端畫角聲三弄。

解三醒犯 最無奈漏長更永。怎支吾恨多愁冗。夜
深私語無人共。他那里驟青驄。笙歌醉迎花笑擁。多
應在蘇小湖頭柳市東。放情。一時間採遍芳叢。

玉包肚 音書誰送。知隔着關山幾重。見如今水濶
山高。促急裡怎覓鱗鴻。寒衣費盡剪刀工。線線針針
手自縫。

掉角兒序犯 一任他浮跡浪踪。終須是有個相逢。
既然他能全始終。做來的儘自包籠。告神靈都無用。
捧玉鐘。流霞滿泛親陪奉。生前共。歿後從。再把連枝
種。

尾聲 寵愛深。恩情重。風流過犯且姑容。多少閑言
過耳風。

冬景

南中呂泣顏回 天氣煖如春。東風似轉柴門。墻頭
紅杏。朝來已被三分。吟魂醉鬼。誤年光陡訝芳菲近。
待攜壺慶賞佳辰。郊原外那有遊人。

前腔 俄聞歌管在東隣。何堪舊隱。倦客孤身。年時
蹀躞。軟紅十里香塵。無言自哂。對玄冥錯把東皇認。

嘆山居冷落青尊。笑豪家醉倒紅裙。

普天樂 撚吟髭搔吟髮。細賡和逋仙韻。雖然是無

雪無梅。紙窗明那有纖塵。寒威悄無。愛銀屏燭彩。斗

帳爐熏。

古輪臺 怪天孫不將伎巧趁滕神。浩然枉自騎驢

去。梅花無信。瘦聳雙肩。歷遍了幽壑荒村。點檢冰壺

幾宵不凍。布衾何必倩人溫。且新篔佳醞。忘情三五

知音。圍爐談笑。消除閑悶。盡日到黃昏。虛

簷外。先自湧冰輪。

餘音 無眠坐數更。籌盡恐有山陰乘興人。分付兒

童莫閉門。

小令

四時閨怨

北水仙子帶過折桂令 牡丹爛熳綵霞濃。芍藥芬

芳錦繡叢。海棠旖旎胭脂重。日高時花弄影。惠風和

香透簾籠。怕看那一對對啣泥燕。一雙雙採蕊蜂。一

聲聲杜宇啼紅。一聲聲杜宇啼紅。麗日遲遲。淑景

融融。恨的是孔雀屏閑。鴛鴦帳冷。翡翠衾空。身倦怠

春懷朦朧。意徘徊。星眼朦朧。曉睡方濃。好夢難逢。怎

禁那枝上流鶯。喚回俺一枕春風。

風吹楊柳翠簾籠。露滴薔薇錦色濃。雨淋荷葉玓珠
迸。倚闌干心事冗。嘆園林慘綠愁紅。畫閣十分靜。紗
厨一半空。恨靈犀一點難通。○恨靈犀一點難通。倦
挽烏雲。恨對青銅。雪體香消。花容粉淡。釧腕金鬆。聽
的那雛燕飛愁。添萬種新蟬鳴。恨有千聲。寶鴨塵濃。
翠帳烟濃。難熬的是暑氣炎光。怕的是永日薰風。
金風吹滅。芰荷凋。玉露添黃。楊柳焦。銀霜壓血。丹楓
落。浙零零梧葉飄。響珊珊翠竹瀟瀟。雲鬢飛無心掠。
柳眉輕不待描。最傷情涼夜迢迢。○最傷情涼夜迢
迢。玉兔寒生。金鴨香消。粉澹盈腮。花容寂靜。翠戶蕭
條。聽的那江鴈叫。心如刀攪。望見那賓鴻過。腹似針
挑。煩惱難熬。怨恨難消。愁轉難聽。業眼難交。
園林處處放璫花。殿閣層層鋪玉瓦。江山一帶如圖
畫。似嫦娥將粉灑。白茫茫一色無瑕。冷氣侵烏綾被。
朔風透錦繡榻。最淒涼凍鵲寒鴉。○最淒涼凍鵲寒
鴉。畫角聲殘。華鼓頻過。雲暗銀蟾。風吹鐵馬。香燼金
鴨。怎禁那繡簾外。稠簌簌如蜂採花。綠窗前亂紛紛
似鴈行沙。心似針扎。肉似刀剛。紅爐中炭盡。烏金銀
臺上燒殘。絳蠟。

題情

北水仙子帶過折桂令 並頭蓮池上錦鴛行連理
木枝間彩鳳鳴合歡花樹底青鸞窸永團圓伉儷情
爲知音所事皆能可意的逢着可意志誠的遇着志
誠聰明的伴着聰明○聰明的伴着聰明各辦堅心
共結芳盟爲你性格溫柔言談俊雅體態娉婷我子
道風流地重生個小卿誰承望綺羅叢再長個鶯鶯
儘自今生久遠看承愛惜你花朵般身已受用那錦
片似前程

詠六樣人家

北水仙子

纖柔玉手撒紅牙。漱灑金杯泛紫霞。榮

煌畫燭燒銀蠟。下珠簾開繡榻。擁瓊簪珠履交雜。怕
黃鳥驚春睡。怪蒼頭報早衙。是恩榮宰相人家。

種成瓊島四時花。煉就丹爐九轉砂。買來粉面千金
價。說陶朱不是假。占梁園金谷奢華。食美味餐佳釀。
坐香車乘駿馬。是風流富貴人家。

老翁商賈作生涯。稚子詩書度歲華。山妻紡績供婚
嫁。樂昇平諳禮法。官司上不甚大差。罰今日醒明朝
醉。放些頑撒會耍。是尋常百姓人家。

紫貂鞴鞞手中拿。錦雉翎毛頭上插。毫猪尾鬣門前
掛。慣飛鷹能走馬。花桑弓鎖鐵叉。山澤部供輸納。虎

狼叢成戲耍。是山村打獵的人家。

鐵蒺藜鋪地不堪踏。連珠砲當場一覓打。青絲網截路常時掛。湯搗着不是耍。紫檀槽翠袖紅牙。花簇簇迷歸鴈。柳行行遮過馬。是章臺歌妓人家。

扁舟常是釣蒹葭。草履何曾到縣衙。杖藜隨處看禾稼。簌青袍籠白恰。客來時一盞清茶。香滿爐書千卷。月當窗雲半榻。是山林處士人家。

中秋

北水仙子 有花無月月含羞。有月無花花帶愁。花香月滿誰能勾。幾年無今歲有。謝嫦娥青影相留。人有意分靈藥。月多情憐皓首。自明朝醉過中秋。

風情

北水仙子 常開笑口杜分司。慣斷柔腸韋刺史。能垂慧眼蘇學士。不知音誰到此。落幾篇風月詩詞。無愁酒終朝醉。買花錢逐日使。有青樓知趣名兒。

題情 七首

南駐雲飛 錦瑟淒涼。擘破雲鬟金鳳凰。楚岫雲遮障。洛浦生烟浪。

無計訴衷腸。枕上思量。月又穿窗。風又掀羅帳。着甚支吾此夜長。

杏臉桃腮。展轉思量不下懷。新月疑眉黛。春草傷裙。

帶嗒獨坐小書齋。自入春來，欲待看花，反被花禁。害情思昏昏眼倦開。

靜掩重門，只見飛花不見人。詩也難傳恨，酒也難消悶。嗒無計可留春，怕到黃昏，香盡熏爐，獨自誰耽問。翠被生寒，壓繡裯。

悶倚闌干，燕子鶯兒怕待看。色戒誰曾犯，鬼病誰經慣。嗒書寄兩三番，得見艱難，再倩霜毫寫一紙，喬公案。滿紙春心墨未乾。

沉醉京華，脫却鸛裘付酒家。剡水船難駕，灞岸驢難跨。嗒明月照窗紗，獨抱琵琶。天氣如春，此景真堪畫。昨日街頭賣杏花。

數盡歸鴉，你在何處貪歡未到家。月滿荼蘼架，人在垂楊下。嗒一時間想着他，把情牽掛。直到如今，想起當初話。一半真情一半假。

夜半涼生，銀燭秋光冷畫屏。滿月天街暎，一水銀河靜。嗒梧葉下空庭，玉漏三更。懶換爐香，笑把紅兒倩。臥看牽牛織女星。

思情

北折桂令 可人心年小嬌娃，百件風流，所事撐達。眉蹙春山，眼橫秋水，鬢縮雙鴉。乾相思撇不下。一時

半尺人間如隔着海角天涯。瘦也因他。病也因他。誰與俺成就了姻緣。便是那救苦難菩薩。

美人十詠

詠髮

北醋葫蘆。水犀油。籠涼的光。薔薇露。滋潤的美。綰青絲。半嬋綠。雲垂。若是向玳瑁筵前穩坐地。雲鬟高髻。將一枝寶花斜插。最相宜。

詠眉

前腔。喜孜孜樽席前。曲彎彎粧鏡裏。把黛煤輕掃出香閨。感春色。若將心事擬題起。那別離滋味。鎖雙蛾。愁蹙的遠山低。

詠眼

前腔。轉雙眸。明似星。溜秋波。嬌欲滴。怎當那送春情。一咲萬金值。若還是半醉朦騰初睡起。雨雲歡會。放也斜。先把角兒垂。

詠口

前腔。綻櫻桃。紅半分。吐幽蘭。香暗襲。笑談中。出落着玉粳。齊半啓。朱唇將甜唾啣。央及一會。唱一闋。縷金歌聲。遏的碧雲迴。

詠臉

精言月香亭種
前腔 憶香腮悲與歡。想芳容嗔共喜。他若是淡粧
濃抹。總相宜。酒席上若還多飲了數杯。看他這俊麗
兒標致。恰便似曉霞烘春透。一枝梅。

詠手

前腔 數歸期屈指尖。似柔荑偏細膩。鳳仙花紅染
的玉纖齊。若還是慢理着冰絃。在星月底。把瑤琴相
對。見了些露春葱舒玉笋。拂金徽。

詠足

前腔 蕩湘裙半扎。慳蹴金蓮雙鳳嘴。窄弓弓三寸
兒步輕移。他便是踏遍了香塵。不見跡。也子是天生
的可喜。將他那繡鞋兒。堪做個暖金杯。

詠乳

前腔 紗厨中午睡醒。晚涼天新浴起。恰便似紫葡萄
寒沁玉冰肌。到晚來半露着酥胸。在鴛帳裏。略嘗
些風味。怎當那軟柔柔香馥馥好東西。

詠腰

前腔 逞風流一捻兒。顯妖嬈嬌媚體。恰便似擺春
光弱柳任風吹。不似你愛他呵。在人前誇大嘴。便有
個玉天仙出世。看了他輕歌妙舞。有誰及。

詠寢

前腔 赴陽臺雲雨期。殢芳情春意美。一會家也斜
着星眼皺着雙眉。直等的粉臉上溶溶香汗濕。嬌羞
無力。那溫存那摺惜那昏迷。

冬夜

北醉太平 似無若有欲去還留。彩雲飛影度西樓。
伴襄王一宿。髻兒鬆恍的釵兒溜。酒兒酸逗的眉兒
皺。燈兒紅照的臉兒羞。未會開口。

嘲風月 三首

南駐馬聽 錦陣花營小可人兒不敢行。一須穩重。
二領差罰。三要實成。郎君切莫強風情。女娘自有痴
心病。休論休爭。投機可意由人性。

滿腹才學。風月場中用不着。人來客往。暮送朝迎。米
長柴高。聰明子弟莫閑嘲。常言難使無錢債。錦繡窩
巢。李郎不到張郎到。

說起當家。柴米油鹽醬醋茶。勞勞攘攘。絮絮聒聒。劫
劫巴巴。指鹿道馬坐三衙。並無一句溫柔話。兩鬢霜
華。土來頭上誰不白。

風情 二首

北耍孩兒 我和他身如此。目魚情同錦水鴛。百年
和美成姻眷。閑開東閣看歌舞。悶向西樓列管絃。貪

精言月香亭稿
歡宴受用些金釵十二。紅粉三千。

只因咱風流情興多。功名心較遠。強爭春引惹得蜂蝶怨。暫留月館風亭內。醉傍紅裙翠袖邊。看了這桃花面。因爲俺一時間恩愛。成就了五百載姻緣。

新歡

北紅繡鞋

原不慣星前月下。乍禁持雨困雲乏。被

東風吹綻牡丹芽。柳眉輕減翠。雲鬢亂堆鴉。風流病直害殺。

月
詩四首

南傍粧臺

執銀燈。青蛾紅臉。咲相迎。禮數兒忒欽

敬。滿口兒叫先生。不肯放些空。行坐裏跟隨定。纔相見。無半頃。無情說出許多情。

對銀燈。金杯滿泛手高擎。向耳畔叮嚀道。一分酒一分情。連央了十餘盞。盞盞兒吃乾淨。拚沉醉。不放醒。今宵好友要完成。

剔銀燈。燈前越看越分明。則管裏貪歡咲。樵樓上打三更。心已在陽臺上。佯推着不答應。羅幃下。鴛被整。口兒雖強脚先行。

滅銀燈。枕邊悄語更低聲。我嚙他舌尖唾。他喚我小時名。務盡了歡娛興。便拚了風流命。情偏熱。嬌太逞。

手兒無力腿兒疼。

風情 四首

北胡十八 美名兒常在心。那一日恰相見。燈影下
酒筵前。臉兒微笑眼兒涎。走在我耳邊。說三言兩言。
也不索央外人。各自要取方便。

經了些苦折磨。受了些惡埋怨。實指望要團圓。口兒
雖許性兒偏。海神王案前。發些兒呪願。但有個負心
的。也要他做證見。

百般的定計謀。一些兒犯苗稼。他因我我因他。前緣
前世俏冤家。刀刃曾手拏。火坑曾腳踏。鍼尖般小心
兒縱的有斗來大。

纔說些好話兒。烘的早臉兒變。道不本分使閑錢。服
低做小索從權。跪在面前曲膝似軟綿。所事兒不敢
說。一千個可憐見。

盼望 三首

北胡十八 相會了半霎兒。作念有百千遍。情勾引
意牽纏。粉墻高處是青天。又無多近遠。望的人眼穿。
日日有虛信兒。不能勾見一面。

眼皮兒恰待合。好夢兒難成就。聽更鼓數更籌。青鸞
無信入紅樓。新月兒半鈎。印紗窗上頭。沉沉梅影兒

彷彿似玉人瘦。

又不曾得甚的。心兒裡苦牽掛。今夜晚會巫峽。清晨
盼望眼巴巴。倩幾個晚鴉。把金烏送下。這恁及日頭
長的來忒稀詫。

風情 三首

南黃鶯兒

眼挫裡抹張郎。是誰家窈窕娘。弓鞋淺
印殘紅上。臉兒又淡粧。口兒裡噴香。多情見了。魂飄
蕩。惱柔腸。一時半晌。留下個錦香囊。

一見了也留情。口不言心自省。平白惹下相思病。佳
期又未成。虛耽着污名。老天不管人孤另。對殘燈。入
場價睡醒。糊突夢欠分明。

清減了。小腰圍翠裙寬。不趁體帶兒扣兒鬆鬆繫。不
待喫飲食。怕沾着枕席。靈丹妙藥難醫治。這場疾。生
生爲你。暫口兒不曾提。

麗情 六首

北河西六娘子

金釵兒斜插着海棠花。你看他眉
掃黛鬢堆鴉。喜孜孜困倚鞦韆架。美臉兒烘霞。忽地
玉生瑕。絕勝西施醉館娃。

牡丹春占斷了萬花叢。端的是花比貌玉羞容。紫檀
槽慢撥蛾眉綜。十指露春葱。催上五花驄。好似昭君

出漢宮。


大人家風範有誰如。更那堪知法解詩書。與知音行到無人處。口兒裡長吁。欲語又躊躇。待學文君未駕車。

翠裙輕束着。小蠻腰說不盡。一團兒美妖嬈。香羅扇半掩朱唇笑。啓一點櫻桃。難畫又難描。說甚楊妃上馬嬌。

天生下一捻兒玉娉婷。都道是能傾國又傾城。乍相逢問不的名和姓。笑臉兒春生。閑把畫欄凭。比那觀音少淨瓶。

繡鞋兒沁濕了露華涼。收拾起禁步玉玎璫。悄行來拜月瑤階上。告一會穹蒼。私語損柔腸。彷彿鶯鶯燒夜香。

精訂月香亭稿終



精言月希亭和

三



